

BADEIANT KLEIER

19

==== Lokmikel-an-Trez ====

BLAVEZ 1909

I

Kleier Lokmikel benniget,
Ra deuy ho son melus ha skelt
Da dihuni bemde, 'n hon bro,
Yez Breiz-Izel, fe hon zado!

II

Dre labour person Lokmikel
Ha zikour vad an dud fidel,
Tri gloc'h hon zent koz a veulo,
Gloar da zant Mikel a gano.

III

An hini bras drant a laro :
« An oabl glas eo breman ma bro ;
Anna Loïs Mikel galvet
Vit 'vo Doue ganin meulet. »

IV

— « Yvonn, Maudez, Jenovefa
Eo ma hano dalek breman,
'Gano 'n eil kloc'h dre renk ar pouez ;
Me veulo ar zent hep paouez. »

V

— « Me, ar bihanik eus an tri,
'Gano lirin kloc'hig Mari :
Med ma mouezig gañt levenez
'Bedo rouanez an Elez. »

VI

Sonet sakrifis an ofern
 Ma teuy Lokmikelis a vern
 D'adori korf, gwad o Doue,
 Da bedi ar zent, an ele.

VII

Pellaet diwar tud hon bro
 Tarzo kurun hag avel-dro ;
 En arne groet d'ar Gristenien
 Kas da zant Mikel o feden.

VIII

Mintin ha noz ha da gouls lein
 E larfet d'imp : « Gra eur sav-kein,
 « Hag aròk mac'h i da zibri,
 « Kan an Anjelus da Vari ».

IX

Ar zul a zo devez Doue ;
 Stankoc'h c'houi laro en de-ze :
 « Ar zulio Zantel a viri
 « Evit Doue ma serviji ».

X

Pa vo eur bugel da Jezus
 Ganet d'ar vue peurbadus,
 C'houi embanno en eur dregern
 Eo kloset outan an ifern.

XI

Ar vam, pe hen klevo neuze,
 Rento trugaré da Zoue
 Dre m'eo e bugelig gwalc'het
 En gwad Jezuz, Zalver ar bed.

XII

Na kaerat devez a welan
 O tarzan vit ar bugelig-man !
 Roue an nenv diwar e dron
 A disken seder 'n e galon.

XIII

Kleier skeltrus e'houi dregerno
 D'emban ar e'helo tro-war-dro,
 Ha Lokmikelis a vanden
 D'o ilis koant redo laouen.

XIV

Skedi ra de kaer an dimei,
 Joausted vras a-zo en ti ;
 Kleier, d'an daou bried neve
 Laret : « Karet 'n eil egile. »

XV

Deut eo gant e fale'h an anko
 Da diverat prim ho teio,
 'Glever dre-oll nemet klemmou,
 Daero poanius ha hirvoudou.

XVI

Kleier klemmus, dre zon iskiz
 Kanet breman : « *De profundis* »,
 Ma laro 'n oll vit an ine :
 « *Ar Requiescat in pace* ».

XVII

Sonet drant, Kleier Lokmikel,
 D'ho tever noz-de bet fidel,
 Servijet mad Doue hon Tad,
 'N Ilis hon mam ha Pi, ar Pap.

XVIII

D'hon Eskob mad kanet bennoz,
 Difen ra fe, yez hon zud koz ;
 Meulodi da Dom Jul Morelle,
 A gar ar Pap, 'n Ilis Santel.

XIX

Mil trugare laouen kanet,
 D'ar vikel-vras 'n eus ho sakret,
 D'ar Breizad Dom Erwan Penneec,
 Den disket-tre ha kalounek.

XX

Bennoz da berson Lokmikel,
D'ar pastor mad, Dom Per Deniel!
Ra chomo pell en hon zouez,
D'ober zent gant tud e barrez!

XXI

Kanet bennoz da Dom Botrel,
D'ho paeron, maeronez fidel,
D'an oll dud vad, d'ar veleien,
'Deus o prenet dre aluzen.

XXII

Breman netra na fell d'in ken,
Med ho klevet deus lein an nenv,
Meuli gance'h 'n Otro Doue
Ha zant Mikel gant e ele.

PERSON TREDREZ